

# POLÍTICA DE SELECCIÓN DE EMPRESAS COLABORADORAS

## FEDERACIÓN DOWN GALICIA

## ÍNDICE

1. Introducción
2. Política de relación con empresas
3. Seguimento da presente política

## 1. INTRODUCCIÓN

### MISIÓN

Coordinar, apoiar e impulsar o labor de contribución das entidades membro á mellora da calidade de vida de cada persoa coa síndrome de Down e outras discapacidades intelectuais e das súas familias, a través da inclusión social e da utilización dos recursos ordinarios da comunidade, asumindo o establecido na Convención de Nacións Unidas sobre dereitos das persoas con discapacidade.

### VISIÓN

A Federación Down Galicia será, co seu traballo, un **referente** da **inclusión** das persoas coa síndrome de Down e outras discapacidades intelectuais e tamén fronte ás Administracións e a contorna comunitaria pola **reivindicación** continua dunha contorna máis inclusiva.

A Federación Down Galicia converterase nun referente do **traballo conxunto** das súas entidades membro ao redor das boas prácticas inclusivas, á profesionalización dos seus equipos e á **unión das familias** para lograr unha sociedade máis inclusiva, cunha real **igualdade de oportunidades** e, por tanto, máis **xusta** e **enriquecedora** para todo o conxunto social.

### PRINCIPIOS

- **Diversidade:** *Todas as persoas somos diferentes.* Defendemos a riqueza de relacionarnos e traballar con persoas diversas.
- **Dignidade:** *Son una persoa.* Defendemos o valor da persoa a través das súas capacidades e logros.
- **Autodeterminación:** *Vivo a miña vida.* Promovemos a capacitación para a toma de decisións propias e a autoxestión.
- **Igualdade de oportunidades:** *Coma ti, podo con apoio.* Proporcionamos apoio para un desenvolvemento vital pleno en todas as etapas da vida.
- **Inclusión:** *A miña inclusión é o éxito de todos.* Promovemos a participación en todos os ámbitos da sociedade, dando visibilidade a todas as persoas.

### VALORES

- **Coherencia.** As entidades e todas as persoas que formamos parte da Federación Down Galicia somos coherentes cos nosos principios.

Respectamos a diversidade humana, estamos comprometidos coa dignidade das persoas coa síndrome de Down e calquera outra discapacidade intelectual, e promovemos a inclusión e o exercicio dos seus dereitos, especialmente a igualdade de oportunidades e a autodeterminación.

- **Compromiso.** A empatía resulta un requisito imprescindible para que as entidades e todas as persoas que forman parte da Federación Down Galicia exerciten o seu compromiso coa misión da entidade.

Esforzámonos por comprender os sentimentos, necesidades e intereses dos demais, especialmente das persoas coa síndrome de Down e calquera outra discapacidade intelectual.

- **Efectividade.** Queremos ser efectivos e esforzámonos por lograr os nosos obxectivos dunha forma eficiente e sostida no tempo, de forma que contribúan ao máximo desenvolvemento da nosa misión.

Innovamos para dispoñer dos instrumentos e modelos de actuación que nos permitan unha intervención efectiva que responda integralmente a todas as necesidades dos nosos destinatarios e destinatarias directas.

Como entidade de iniciativa social comprometida coa construción do estado de dereito e que traballa a favor de fins de interese xeral, estamos comprometidos/as coa mellora continua, colaboramos activamente con todo o noso grupo de interese e somos transparentes na nosa xestión.

- **Participación.** Traballamos activamente en diferentes ámbitos para que cada persoa coa síndrome de Down e calquera outra discapacidade intelectual sexa valorada, respectada, comprendida, apoiada e implicada.

Contribuímos ao desenvolvemento dunha sociedade máis diversa, inclusiva, democrática e xusta, promovendo a participación activa das persoas coa síndrome de Down e calquera outra discapacidade intelectual.

Estimulamos a participación das persoas e as entidades membro na vida asociativa dunha Federación que se abre á súa contorna para contribuír á construción dunha sociedade máis inclusiva.

- **Reivindicación.** Reivindicamos os dereitos, deberes e liberdades das persoas coa síndrome de Down e calquera outra discapacidade intelectual coa defensa dos nosos principios, exercitando os nosos valores e desenvolvendo políticas efectivas.

A relevancia do propósito da nosa misión alenta o esforzo, tenacidade e resistencia que nos caracteriza na defensa dos intereses dos nosos destinatarios e destinatarias.

- **Unión.** A unión do movemento Down en Galicia ao redor da Federación é un patrimonio institucional que debe preservarse como elemento impulsor do desenvolvemento da súa misión.

A Federación Down Galicia contribúe ao desenvolvemento organizativo das súas entidades membro respectando o ámbito de decisión de cada unha delas e procurando o consenso nos asuntos comúns.

## POLÍTICAS

### Política de enfoque da intervención

Respecto á sensibilización social e á incidencia política a favor da inclusión social das persoas coa síndrome de Down e outras discapacidades intelectuais, a Federación Down Galicia adopta as seguintes liñas de actuación:

- Promoción de actitudes de respecto e fomento da participación social plena das persoas coa síndrome de Down e outras discapacidades intelectuais.
- Promoción dun entorno accesible que permita a súa efectiva participación.
- Desenvolvemento de iniciativas de discriminación positiva a favor das persoas coa síndrome de Down e outras discapacidades intelectuais.
- Denuncia de situacións de discriminación das mesmas.

Respecto ao alcance da intervención profesionalizada, específica e especializada, para a inclusión social das persoas coa síndrome de Down e outras discapacidades intelectuais, a Federación Down Galicia adopta as seguintes liñas de actuación:

- Adopción do modelo bio-psico-social para a atención integral das persoas coa síndrome de Down e outras discapacidades intelectuais en todo o ciclo vital das mesmas.
- Prestación de servizos personalizados aliñados coa filosofía e metodoloxía da Planificación Centrada na Persoa (PCP).

Respecto aos recursos para propiciar a inclusión social das persoas coa síndrome de Down e outras discapacidades intelectuais, a Federación Down Galicia adopta as seguintes liñas de actuación:

- Dar prioridade á utilización dos recursos da comunidade.
- Esixencia aos poderes públicos e axentes sociais de medidas adecuadas para a promoción da accesibilidade universal dos recursos comunitarios.

### Política organizativa

Sobre a dirección da entidade, a Federación Down Galicia está formada por entidades membro con distintas formas xurídicas (Asociacións e Fundacións) promovidas por familias. Nace como froito do impulso asociativo dos familiares de persoas coa síndrome de Down e outras discapacidades intelectuais e son os familiares os que ostentan os postos de alta dirección da entidade e represéntana institucionalmente.

Sobre as relacións internas entre as entidades membro, a Federación Down Galicia adopta as seguintes liñas de actuación:

- Respecta a autonomía das súas entidades membro.
- A toma de decisións importantes para o desenvolvemento da misión da Federación realízase por consenso entre todas as súas entidades.
- Traballa para propiciar a coordinación inter-asociativa e o traballo en rede entre as súas entidades membro.

- Traballa na captación, optimización e reparto xusto dos recursos necesarios para o desenvolvemento da misión de cada entidade.
- Presta servizos de atención directa ás persoas coa síndrome de Down e outras discapacidades intelectuais de forma coordinada coas súas entidades membro.

## Política de xestión

A xestión debe estar sempre vinculada á transparencia, a calidade na execución dos procesos de traballo, a procura da innovación e a mellora continua.

Como principios xerais que determinan a xestión, a Federación Down Galicia adopta as seguintes liñas de actuación:

- Transparencia económica e informativa para con todos os seus grupos de interese.
- Todas as actuacións deben cumprir a legalidade en todo momento.
- Todas as persoas vinculadas á entidade evitarán o lucro persoal ou de familiares ou de amizades como consecuencia do seu labor en Down Galicia.
- Fomentárase a aplicación de normas e modelos de eficiencia e calidade, que aseguren en último termo a satisfacción das persoas usuarias/beneficiarias.
- Promoverase a busca continua de novos servizos, procesos e metodoloxías para responder ás necesidades e expectativas dos seus grupos de interese.
- Fomentárase especialmente a igualdade de oportunidades entre todos os grupos de interese, incluíndo o enfoque de xénero.

## 2. POLÍTICA DE RELACIÓN CON EMPRESAS

A política de relación con empresas recollida neste manual ten como base o Código Ético de Down Galicia e os valores da mesma. Tanto o Código Ético como esta política desenvolvida a continuación deberán ser respectados por todas aquelas empresas que desexen colaborar con Down Galicia.

Enténdese por formas de colaboración as seguintes:

- Aportación económica a proxectos específicos e/ou á actividade xeral da entidade
  - Cesión / donativos en especie
  - Voluntariado corporativo
1. Todas as empresas colaboradoras deberán respectar os dereitos humanos, así como as normas internacionais de traballo.

2. Todas as empresas colaboradoras deberán respectar a dignidade das persoas con discapacidade e débese constatar a ausencia de condutas excluíntes ou discriminatorias coas persoas con discapacidade.
3. Evitaranse colaboracións con empresas incursas en procedementos penais.
4. Evitaranse colaboracións con empresas que xeren exclusión social ou que non cumpran coas leis de inclusión.
5. Prioritariamente buscarase que os acordos con empresas se formalicen en convenios nos que figure por escrito o obxecto da colaboración e as cláusulas da mesma.
6. Salvo acordo mutuo expreso entre as partes non se cederá á empresa o uso do logotipo da entidade. En caso de que exista cesión de logotipo, figurará por escrito e non será confidencial.
7. Os acordos de colaboración con empresas para a financiación de proxectos serán públicos e reflectiranse nos documentos oficiais de Down Galicia.

### 3. SEGUIMIENTO DA PRESENTE POLÍTICA

Anualmente, xunto coa documentación que se someta a aprobación da Asemblea Xeral, incluírase un informe sobre o grao de cumprimento desta Política, citando expresamente se se produciu no ano algún incumprimento das súas normas.

Esta política foi revisada e aprobada na **Asemblea Xeral Extraordinaria** do día **27/06/2020** da **Federación Down Galicia**.

Fdo.: Delmiro Prieto González  
D.N.I: 71497418-D  
Presidente DOWN GALICIA

Fdo.: Elías Ledo Fernández  
D.N.I: 76.615.524-V  
Secretario DOWN GALICIA